

大日本史

六十八

第一百六十卷 列傳
 源賴政 源行家
 第一百六十一卷 列傳
 城長茂 遠藤盛遠 平知康
 第一百六十二卷 列傳
 藤原忠信 藤原宗行 源有雅
 藤原光親 藤原範茂 藤原信能
 藤原朝俊 三浦胤義 大江親廣
 藤原秀康 山田重忠 清水賴高
 八田知尚 佐々木經高 佐々木
 廣綱 鏡久綱 官崎定範 仁科
 盛遠 河野通信 大内惟信

一	二	三	四	五	六	七	八	九	十	十一	十二	十三	十四	十五	十六	十七	十八	十九	二十
一	二	三	四	五	六	七	八	九	十	十一	十二	十三	十四	十五	十六	十七	十八	十九	二十
一	二	三	四	五	六	七	八	九	十	十一	十二	十三	十四	十五	十六	十七	十八	十九	二十

和書門類

三六九函	一三八七一	一五〇冊	架
三	一五〇冊	架	

内閣文庫	番號	和 12871
	冊數	150(68)
	函號	269 20






大日本史卷之

一百六十一

淺草文庫



第八十七

從三位源光圀內修

男權中納言從三位綱條不校

玄孫權中納言從三位治保重校

源賴政長谷部信連

源行家

源賴政攝津守賴光玄孫也賴光子賴國亦

為攝津守生賴綱賴綱善和歌生仲政或○作政

正仲政善射兼能和歌為兵庫頭聽昇殿特

詔守護大内生賴政尊卑賴政天資穎敏有

武略尤精射工和歌平家物語源白河法皇

擢為判官代保延中補藏人敘從五位下久

壽二年任兵庫頭公卿保元之難後白河帝

以鳥羽帝遺敕召武將十人賴政率部下兵

勤王保元二條帝即位日有狂人入禁內賴

政捕獲之以功聽院昇殿公卿平治元年藤

原信賴作亂源義朝勸信賴招賴政賴政初

許之然慮義朝向殺其父弟大乖人望事必

不成心懷危疑及聞帝潛幸平清盛六波羅

第決意屬禁旅義朝攻六波羅賴政陣六條

河原不進源義平察其觀望以精兵衝之賴

政乃收兵赴六波羅出禦義朝義朝呼曰卿

已稱源兵庫頭今反屬伊勢平氏玷辱我宗

何也賴政曰我世以弓箭奉仕皇家未嘗失

士節卿與叛臣不知自悛是非辱我宗乎義

朝奔敗遂死尾張平治賴政久在禁衛不聽

物語

昇殿嘗作和歌寓懷示之宮人千載和歌集帝覽

憐之源平盛衰記仁安元年敘正五位下聽昇殿

○源平盛衰記曰敘四位聽昇殿者誤三年進從四位上公卿補任

高倉帝時有鶴夜鳴宮屋上帝以為不祥侍

臣推賴政射之賴政一發中之帝及侍臣莫

不歎賞十訓鈔○按賴政射鶴南都本平家

時其餘諸本射鶴者再一為近衛帝時或為

二條帝時源平盛衰記亦為二條帝時或為

高倉帝時太平記為近衛帝時其說又異諸

說紛紜故皆不採姑從諸本之說則怪鳥夜

鳴聲似鶴震驚宮闕天皇為之不豫關白基

實建議使賴政射之事既如此何當時諸家

日錄一無所載邪然猪早太階下之舉措郭

公弦月之唱和膾炙人口蓋粗有其事而敷

衍張皇也但本書所載嘉應承安間任右京

差近平實故今從之大夫敘正四位下公卿補任治承元年延曆

寺僧徒羣起奉日吉神輿犯禁闕於是命諸

將守宮城諸門神輿直指賴政所守達智門

賴政下馬免胄拜伏遣從士渡邊唱言曰守


將賴政致意大眾賴政崇信山王祈子孫之

福今奉敕在此懼向神輿彎弓昔日源平勢

力相抗保元以來源氏稍衰賴政纔承餘緒

承乏警衛所率寡弱自知不足邀大眾願諒
 之若不見聽賴政與士卒俱暴屍輿前而已
 平重盛擁精兵守陽明門眾徒避之而凌我
 寡弱恐取笑京師也於是僧徒轉向陽明門
 平家物語源平盛衰記二年平清盛憐賴政年
 邁淹滯為奏請曰向者諸源多陷逆賊唯賴
 政資性正直勇名被世齡踰七旬未昇三品
 伏乞未歸黃泉之日枉賜紫綾之恩於是敘
 從三位時人異之玉海○源平盛衰記賴政
 作和歌曰能保流倍岐多

余利柰計禮波古能毛斗珥志比乎比呂比
 氏余乎和多流加柰因此和歌得敘三位蓋
 誤三年剃髮改名真蓮○賴圓一作世稱源三位
 入道尊卑
 分脈子仲綱有駿馬稱星鹿毛亦名木
 下甚愛之右近衛大將平宗盛請觀之仲綱
 拒以和歌曰古比志玖波岐氏毛美余加志
 美珥曾布流加藝采婆娑加我波柰知夜流
 倍岐宗盛仍請不止賴政聞之謂仲綱曰若
 從時勢彼雖不乞猶當遺之況今懇請如此
 乎汝宜速送仲綱不得已借之宗盛不還源平



盛衰記

怒仲綱甚斬印烙仲綱二字畜之殿中、
 一日有客請觀宗盛呼馭人曰牽仲綱來仲
 綱聞而媿忿欲刺宗盛而死賴政亦不平之、
 常伺其釁圖滅平氏時清盛兇暴日甚幽閉
 法皇奪廷臣四十人官爵天下怨讟參取平家物語
 源平盛衰記四十人據山槐記以仁王高倉帝庶兄素有英
 稱然以母無貴寵年長不冊親王賴政謂可
 為義主夜竊造玉第說曰大王親法皇子縱
 登青闈踐紫極有何不可英齡三十未得為

親王臣竊為王憾之今清盛縱暴侵侮至尊
 憑陵朝貴愛憎任心賞罰由己神怒人怨其
 亡無日大王上順天心下應人望舉義誅逆
 以釋法皇之憤千載一時斷不可失臣年踰
 七旬齒力雖衰而宗屬頗廣亦足以捍衛一
 方在昔源平兩家功勳爵賞不相下而今交
 隔雲泥禮如君臣源氏支屬多為編氓流落
 四方大王一旦下令旨彼皆繼踵而至滅平
 氏如指掌也大王熟思之源平盛衰記王久幽居

不得志、聞賴政之言大悅、遂許之、四年四月

遣藏人源行家頒示令旨於諸國、以聲清盛

之罪、平家物語、源平盛衰記、別以令旨一通賜前右兵

衛佐源賴朝、行家嘗居熊野、與新宮僧徒交

結、至是相約起兵、僧徒密相告語、事竟泄、源平

盛衰記、本宮別當湛增、○盛衰記作大江法眼與平氏有

故、帥兵三千攻新宮、反為所敗、馳使報之、清

盛不知、賴政為首謀、令賴政子兼綱等圍高

倉宮、平家物語、源平盛衰記、兼綱告之賴政、源平盛衰記、賴

政乃勸王遁于園城寺、率仲綱兼綱及渡邊

黨五十餘騎、騎數據山槐記火第而往、從王于園城

寺、使僧徒牒延曆興福二寺請援、二寺應之、

平家物語、源平盛衰記、宗盛素聞賴政士渡邊競勇名、

及賴政去京師、遣人伺之、歸報曰、競在家、宗

盛不信、再遣闕之、尚在、乃召見曰、汝非賴政

死士乎、何不從行、曰、頃日失愛於入道、故不

得從、宗盛得之甚喜、源平盛衰記、競請曰、臣有良

馬、為人盜去、願賜廩馬一匹、宗盛乃以名馬

南鐐賜之

平家物語

初賴政去京師從者請告競

賴政曰彼家近平氏若使人遽至適為平氏

所覺彼有勇略而忠於我聞我所在則雖不

告亦至賴政入園城寺

長門本平家物語源平盛衰記

競馳

至曰臣為伊豆守殿取六波羅名馬南鐐來

仲綱大喜翦其尾鬣火印平宗盛入道五字

放之宗盛門外以辱之

平家物語

既而延曆寺變

約柰良大衆未至賴政議曰以寡擊衆無如

夜戰今夜先使羸弱一二千陣于如意峯步

卒放火於法勝寺三條河原則平氏必出禦

我兵乃誘敵退于岩阪櫻本乘間遣精銳四

五百襲六波羅放火上風乘勢奮擊蔑不勝

矣僧徒皆然其議

源平盛衰記

真海者黨於清盛

異議移時

平家物語源平盛衰記

賴政乃使僧徒一千

餘人向如意峯仲綱率七百餘騎抵山階而

天已明計不成軍皆引還衆怒欲殺真海真

海走六波羅

源平盛衰記

賴政慮園城寺不可恃

且兵寡難久保遂奉王赴柰良王途上倦睡

墜馬六、駐軍憩於宇治平等院、清盛遣左兵

衛督平知盛、藏人頭平重衡等將兵二萬餘

追之、賴政撤宇治橋待之、平氏軍既至、

源平盛黎明大霧、咫尺不辨、至橋墜死二百

餘人、賴政部下僧兵筒井明秀

殺傷甚多、矢竭、執眉尖刀、趨走橋架、亦斬十

餘人、一來法師跳踰明秀頭上、奮刀力鬪、二

人斬獲無慮八十人、賴政令渡邊黨代戰、渡

邊省及連、至覺授與競唱、列配早清、勸等三

十餘人踵進、勸本書作進、今據平家物語尊卑分脈訂之、擊藤原

忠清軍却之、知盛等勵兵雨射、我軍不能前、

後中院但馬、平家物語左右執兵截飛矢、

擊殺數人、世呼曰截箭但馬、平氏軍不能進、

我兵舞躍嘲笑、既而足利忠綱等三百騎亂

流而濟、大軍踵至、戰平等院前、賴政與二子

連射敵軍、以仁王得間南走、賴政亦從、適有

飛矢中賴政膝、兼綱亦戰死、賴政乃告王曰、

事既至此、大王宜速赴柰良、藉眾徒之力以

濟事、臣自此永訣、王嗚咽而去、賴政迴轡射敵却之、矢竭乃入平等院釣殿、脫甲端坐、謂左右曰、身仕六朝、齡垂八旬、官爵已踰祖先、武略不恥等倫、今為天下倡義、隕命留名、武夫所願也、汝輩能捍禦、我將從容就死、源平盛衰


記乃賦和歌曰、宇毛禮岐能波柰佐玖古斗毛、柰加利志珥、美能柰流波底曾、阿波禮柰利計流、言畢伏刃而死、平家物語、源平盛衰記、年七十

七、古今著聞集、○尊卑分脈為七十六、按本書承安二年藤原清輔尚齒會記、賴政時

年六十九、至是歲、傳首京師梟之、公卿補任、東鑑、○源平盛衰記曰、下河邊清恒、匿賴政首於平等院牀下、平氏軍無知者、永亨記曰、青田納其首於箕、伴為修驗者、歸下總、瘞古河城東南龍崎、尊卑分脈曰、美濃山縣郡有賴政墓、按賴政叔父國直居山縣、蓋五子、仲綱、賴兼、廣收葬之也、然今無所考、


綱、國政兼綱、女仕二條院、稱讚岐能和歌、尊卑

分脈嘗作澳石之歌、世稱絕唱、自是呼澳石讚岐、千載和歌集、仲綱任伊豆守、敘正五位下、宇治橋戰敗、與父同自殺、平等院有子長宗、綱任左衛門尉、肥後守、敘從五位下、與父同



死次有綱稱伊豆冠者任右衛門尉敘從五位下尊卑分脈伊豆冠者據東鑑壽永元年承源賴朝命擊蓮池家綱平田俊遠於土佐為源義經女婚恣行劫掠賴朝奏請繼糾之及賴朝義經生釁從義經於西海路阻大風匿于大和宇多賴朝使平時定擊之有綱勢屈入山中自殺傳首京師東鑑次賴成和泉守次成綱左衛門尉次賴季七條院藏人賴兼為藏人敘從五位下為大內守護子賴茂歷安房近江守

右馬權頭至兵庫頭敘正五位下為大內守護尊卑分脈承久元年將軍源實朝遭害賴茂覬望將軍潛謀起兵事覺後鳥羽上皇欲誅之愚管鈔尊卑分脈○東鑑為賴氏違法皇意併討賴茂以大內守護居昭陽舍召不出遣兵擊之乃與子下野守賴氏右近衛將監藤原近仲右兵衛尉源宗真前刑部丞平賴國等入仁壽殿放火自殺殿舍寶物多為灰燼東鑑召不出據愚管鈔尊卑分脈仲綱養為子尊卑分脈以賴朝推輓任駿河守不



得預國務、廣綱請而不許、及賴朝拜右近衛

大將、不使其列儀從、由是懷怨、亡命為僧、匿

上醍醐、終身不出。東鑑子孫居丹波。多田系圖稱太

田氏。尊卑分脈國政實齋院次官國平子也。

賴政養為子、稱山縣三郎、兼綱實賴政弟、賴

行子、賴政養為子、敘從五位下、任左衛門尉、

為檢非違使。尊卑分脈宇治之戰、賴政敗走、兼綱

獨止拒鬪、矢不虛發、敵披靡不敢近、視藤原

忠綱欲與之搏、為忠綱所射貫額而死。源平盛衰

記、參取平家物語、矢不虛發據玉海、

長谷部信連、右馬允為連子也。東鑑、右馬允

家物語為人、有膽勇、年甫十六、年十六據八阪

直瀧口、有僚友忿拏者、其人壯健、眾不能制、

信連輒提拽二人、掖以出、人稱其多力、又有

強盜入常盤殿、殺人取財、宿衛畏悞、不即追

捕、信連挺身追之、立斬四人、一盜返擊傷頰、

信連遂擒獲之。源平盛衰記以功任左兵衛尉。平家

物語後隸以仁王、治承四年、王與源賴政謀欲

殄滅平氏事泄平清盛遣檢非違使源光長
 等率兵圍第賴政子兼綱在遣中告之賴政
 賴政急告王遁難於園城寺事出倉卒王大
 驚乃召信連告實問計信連曰事易辨耳王
 勿深憂便入後閣取婦人衣裳及笠使王服
 之為婢妾乘夜出宮源平盛衰記藤原宗信擔傘
 侍童鶴丸戴囊相從信連乃匿婢妾歛器物
 身及出宮遺之王甚戀惜信連於後探得之

平家物語

追及獻之王喜乃命信連偕行八阪本平信家物語

連曰檢非違使等方旦圍宮而無一人警衛
 令奴輩蹂踐王宮臣深恥之臣在王府世人
 所知將謂信連怯懦惜命逃亡請亟還衛宮
 王攬淚而別信連歸宮開門待之黎明檢非
 違使圍王第兼綱停在門外光長馳入門內
 大呼曰王異圖發覺檢非違使奉宣旨來邀
 王速出信連應聲曰汝等無狀王適微行在
 他所檢非違使乃令吏卒入宮搜索信連怒

叱曰、汝等無狀、騎馬入王門、且使奴輩亂入
 宮中、何不敬之甚也、長兵衛尉信連在此、來
 共決戰、拔刀而待、吏卒五十餘人、謹噪入宮、
 信連縱橫奮擊、無敢敵者、源平盛衰記、參取
異本平家物語
 光長兵有七郎安清者、力兼十餘人、進當之、
 信連迫與之搏、掖安清向光長曰、我獲汝所
 養壯士、汝欲活之、來救、光長懼不進、信連曳
 安清而投地、氣絕復蘇、長門本平
家物語其餘死傷
 者十餘人、信連刀折、赤手欲當敵、吏卒憚其

驍勇、不敢逼近、放矢射之、中左股、有一人執
 眉尖刀進、信連欲奪之、縱傷右股、於是吏卒
 相聚虜之、信連就縛、大罵曰、汝等田舍人、太
 不解事、身是勒負尉、何以縲紲為、吾豈逃逸
 者邪、乃送之六波羅、平宗盛踞長、押責讓曰、
 官吏銜宣旨收王、汝何為殺傷之、宜就考木、
 鞠問王密謀蹤跡、具得情狀、則速斬首、信連
 曰、吾固不知王之所如、縱然知之、不應言之、
 况不知邪、頃聞諸國劇賊潛入京師、窺王公

卷一百一十一
 列傳
 十一

第宅矯託宣旨以為剽劫吾常巡警宮中今
 曉檢非違使等擐甲執兵來犯王第吾謂姦
 人矯命行劫故力鬪抗拒耳今設有兇賊佯
 稱宣旨羣入公第幕下諸士憚其稱宣旨令
 其恣意劫掠公謂之何辭氣壯烈毫無撓色
 侍坐將佐莫不嗟異焉源平盛衰記參清盛
 壯其勇烈赦死流伯耆日野平家物語平氏滅後
 至鎌倉源賴朝錄其舊功收為家士補安藝
 檢非違使所賜能登大屋莊建保六年終於

大屋莊河原田東鑑○按源平盛衰記曰宗

至伯耆居金持文治二年賴朝召至關東欲

遺勇士之胤命娶由利小藤太寡婦與此不

同附以子孫世居能登以長為氏備考

源行家初名義盛東鑑源平盛衰記尊卑分

左衛門大尉為義第十子也尊卑分保元平治

之亂父兄宗族為平氏所夷滅行家潛匿熊

野客於新宮因稱新宮十郎治承四年以仁


王欲頒令旨於諸國聲罪討平氏覓可使者

會行家游京師源賴政薦之王即召喻旨行

大日本書紀 卷一百六十一 列傳 十四

家白王曰、臣少遭家難、竄身熊野、日夜切齒、欲報讐雪恥、今將使命、榮莫甚焉、臣請徵發宗族故舊、唱義所在、以紓大王之穉怒、王喜授之令旨、賴政曰、義盛業已為令旨使、願假一官以示重、四方王即命為藏人、改今名、佯為修驗者、歷說近江美濃尾張信濃甲斐常陸伊豆等國郡、諸源奮激、無不響應、初行家赴東國也、移告新宮僧徒曰、清盛悖逆、幽閉法皇、罪惡滔天、高倉宮不勝憤懣、徵兵諸國、

欲仗義討逆、行家巡歷關東、催勸宗人舊故、不日舉兵、願諸君待我歸、相率扶義、僧徒密相計議、事寢泄、為本宮僧徒所覺、源平盛五月王及賴政敗死、宇治、八月前、右兵衛佐源賴朝應令旨起兵、伊豆關東州郡望風歛附、京師悚動、平氏大發兵擊之、玉海、東鑑、源平盛衰記、平家物語語、養和元年正月、行家率數千騎入尾張、將徇美濃近江、二月進據美濃板倉、與平氏戰而敗、退保中原、賴朝遣其弟僧義圓將兵援



之軍勢稍振源平盛三月與平重衡維盛等

阻洲股河對陣東鑑源平兵僅千餘剋期會

戰其夜義圓挺身先登行家亦度義圓貪功

先已遣人覘之果不在於是行家簡精騎二

百乘夜濟河源平盛平氏軍預為之備縱兵

擊之東鑑行家冒陣挺戰其子行賴被擒義圓

戰沒行家僅以身脫行賴被擒據東鑑○盛

者與尾張源氏泉太郎重滿等七百餘人縛

死殆盡惡禪師及重滿皆為虜阪本平家

物語惡禪師下有圓清二字伊藤本作圓西

檢吉記亦載洲股捷報有惡禪師者為藏人

弟而不名考之系圖不載無所考證故不取

又按賴朝弟有惡禪師全成疑收餘眾退屯

與此一人也諸說蓋傳聞之誤

小熊平氏分軍七千為五交進來戰行家射

卻其四隊重衡維盛迭進四部又合行家眾

寡不敵且戰且走抵參河保矢矯川額田兵

士舉郡來附軍復振敵軍追至行家教老兵


三人佯為赴京役夫羸糧荷槽過平氏營下

敵兵問曰汝等見潰兵乎曰兵可四五百東

走又問東兵亦來乎曰前軍已抵菊河後軍


填塞橋本見付、彌野被山、不知幾千萬、平氏
惟懼引還京師、行家馳使諭美濃尾張曰、平
氏自潰而走、當路有不放一矢者、指為源氏
仇敵、國郡懼後禍、爭追尾射之、平氏軍狼狽
而還、源平盛衰記○平家物語曰、美濃目代
驛言、東兵已至尾張、道路梗塞、宜亟發
兵擊之、於是知盛清經等將騎三萬擊之、行
家義圓將六十餘騎陣尾張河、與平氏相對、
乘夜度河襲之、平氏圍而擊之、義圓戰死、行
家大敗、走參河、平氏追擊之、會知盛罹疾、諸
軍引還京師、按玉海東鑑、去年十二月、知盛
擊近江源氏、是歲二月、惟病還京、據之、諸本
云與行家對尾張
河者誤、故不取、
行家欲進入京師、奉告文

於伊勢大神宮、以祈滅平氏、東鑑、源平
盛衰記、祠官
等拒而不受、又牒延曆寺請援、不報、東鑑乃之
鎌倉、居松田館、請賴朝曰、我與平氏大小八
戰、多亡士卒、願得一小國、以弔死者、賴朝曰、
興兵以來、幸為義徒所歸、遂得領十國、若彼
義仲亦自領五國、公宜抗厲威武、自為管國
之計、賴朝安得私國邑哉、源平盛衰記、長門
本平家物語、國數
據盛、行家失望、遂與賴朝生釁、往信濃、依義
仲、賴朝傳聞行家與義仲謀已、將兵擊之、義



仲謂不可與交兵避之越後賴朝退屯于武藏遣使責之請得行家義仲不忍遣之乃質其子義高而講和壽永二年四月平氏大舉擊義仲義仲遣將士逆戰義仲累敗五月平氏分軍為二進陣礪波志雄二山義仲使行家別將一萬餘騎向志雄與平盛俊戰不利義仲赴救之盛俊敗績源平盛衰記是後義仲累捷七月進據延曆寺義仲從勢多行家從宇治分道入京師平氏奔西海行家與義仲戎

服謁法皇于蓮華王院源平盛衰記參取玉海吉記平家物語法皇賜行家法住寺南殿為第源平盛衰記平家物語尋命諸將占護京城自七條南河原東至大和界行家守之吉論功敘從五位下玉海一代要記任備後守以非其好不肯拜玉海源平盛衰記平家物語因改備前守源平盛衰記平家物語聽院昇殿源平盛衰記漸被寵待至入侍博戲時京師劫盜充斥法皇以為北兵新至未給糧食之所致也遂依公卿議玉海以所沒官平氏地頒賜義仲行家



然尚攻剽不已玉海源平法皇召賴朝賴朝

為奏便宜不至使其弟範賴義經監貢賦詣

京師義仲疑懼欲逆禦之又與行家等謀奉

法皇臨陣行家不與其議白之法皇法皇使

人讓之義仲意行家泄之自是交生嫌隙玉海

範賴據源平九月行家奏曰平氏頻寇緣海

鈔盜貢篚攻入備前部兵單弱力不能禦臣

願往擊之法皇許之義仲沮而止源平盛既

而平氏徇下山陽道兵勢轉熾玉海源平義

仲兵與平氏數會戰不克義仲自赴擊之源平

盛衰聞範賴義經入京師途歸備之玉海源平

記十一月行家將騎三千吉記長門本平家

百七十餘源平盛衰記為一千本書云將三百

百騎而發尋得三千則至海所書亦得其實

取路丹波赴播磨平教盛等盛兵室山逆防

之行家大敗走和泉時義仲橫暴滋甚人皆

厭苦三年行家遂去赴河內據石川城八阪伊藤

本平家物語並作長野城今從源畔義仲義

平盛衰記及南都本平家物語仲遣其將樋口兼光擊之行家棄城走紀伊

名草○源平盛衰記兼光追之、適聞義仲敗

引還源平盛衰記行家任來西海京師、假賴

朝威所在鈔掠、先是行家出兵數失律、以故

不為賴朝所推獎、及西海已平、兵權專歸賴

朝、而行家遂不與之通、賴朝益惡之、義經亦

為賴朝所忌、鬱鬱不得志、行家依義經、潛居

京師、文治五年九月賴朝遣梶原景季於京

師、喻旨義經擊行家、以覘其動靜、東鑑景季父

子素與義經有隙、及反命從而讒構之、賴朝

令土佐房昌俊襲義經、行家救之、義經捕斬

昌俊、行家捕關東祇候人、奪東洞院亭、自徙

居焉、未幾與義經俱請討賴朝、宣旨、法皇不

得已許之、以義經為九國地頭、行家為四國

地頭、賴朝恚之、親將討之、進至黃瀨川、東鑑、

玉海、源平盛衰記、平家物語義經行家避之西海、十一月

將自攝津之大物浦渡海、行至河尻、州人多

田行綱等遮擊、義經行家拒破之、比發船、大

風暴起、船舫壞損、玉海、東鑑、源平盛衰記行家與義經

大日本書紀卷之百一十一 天智天皇六年 壬午

相失、漂至和泉、玉海、八阪本法皇復依賴朝

請宣諭畿内搜捕義經行家、時行家匿於和

泉在廳日向權守清實闕姓家、平時定率常陸

房昌明掩擊、行家見擒、斬於赤井河原、傳首

鎌倉、東鑑○諸本平家物語曰、平時定聞行

昌明應募赴之、行家見昌明突入、左右揮刀

禦之、與昌明交搏、行家多力、昌明不得制、時

定從士宗安以石擊行家、額、行家笑曰、擊敵

以刃、何用礫為、兵士踵至、遂見擒、行家坐使

昌明試視其刃、昌明曰、我於山上、屢與惡僧

行、家兩刀竟全、昌明曰、我於山上、屢與惡僧

鬪、未值精技、若公者、公亦視昌明、何如、行家

曰、已為汝所虜、我復何言、遂斬之、赤井河原

傳首、詣鎌倉、賴朝不賞、反流昌明、世人怪之、

後徵還、賜食邑曰、汝以下、臆殺良將、恐受之、

不祥、故姑流以塞咎、殃而已、按平家物語、諸

本、其文互有異同、今摘其大較、以附于此、

子光家、○本書作家行賴、尊卑光家稱太郎、

補藏人、任左衛門權少尉、為檢非違使、與父

同遭害、○按源平盛衰記、樋口兼光、攻行家

海文治元年十一月、條行家與義經泊舟、大

物浦、大風暴起、行家漂至和泉、追兵獲家、光

梟其首、據光家已為藏人判官、行家部下不

應、更有為藏人判官者、家光家字蓋、倒置、

其實一人身、行賴稱二郎、戰于洲股、川軍敗

被擒、東鑑○玉海文治元年、記曰、行家子慶

俊、律師率兵向近江、法皇手賜甲冑、然

然、它無所考、

行賴稱二郎、戰于洲股、川軍敗

然、它無所考、

行賴稱二郎、戰于洲股、川軍敗

然、它無所考、

行賴稱二郎、戰于洲股、川軍敗

然、它無所考、

行賴稱二郎、戰于洲股、川軍敗

然、它無所考、

行賴稱二郎、戰于洲股、川軍敗

然、它無所考、

行賴稱二郎、戰于洲股、川軍敗

然、它無所考、

行賴稱二郎、戰于洲股、川軍敗

然、它無所考、

行賴稱二郎、戰于洲股、川軍敗

然、它無所考、

行賴稱二郎、戰于洲股、川軍敗

然、它無所考、

行賴稱二郎、戰于洲股、川軍敗

然、它無所考、

行賴稱二郎、戰于洲股、川軍敗

然、它無所考、

行賴稱二郎、戰于洲股、川軍敗

然、它無所考、

行賴稱二郎、戰于洲股、川軍敗

然、它無所考、

行賴稱二郎、戰于洲股、川軍敗

諸書無所見、尊卑分脈、行家子為僧者、有西
乘行寬二人、而無慶俊、姑附于此、以備考、

大日本史卷之一百六十終

大日本史卷之一百六十一

列傳第八十八

權中納言從三位源光圀 修

男權中納言從三位綱條 校


玄孫權中納言從三位治保 重校

城長茂

遠藤盛遠

平知康

城長茂初名資職稱四郎、長門本平家物語
○諸書長茂或作



永用、又永茂資茂助鎮守府將軍平維茂之

後也、維茂子繁茂為出羽介、守秋田城、子孫

因以氏焉、父九郎資國平氏系圖世稱鬼九郎、長

源本平家物語、平盛衰記母清原武衡女、長茂身長七尺、

容貌雄偉、東鑑世居越後、為國豪族、國人稱白

河御館、玉海兄曰太郎資長、玉海、吉記、長門本

或作助長資永、又有治承四年、源義仲起兵

信濃、資長奏討平甲斐、信濃臣請以私屬從

事、不復假他人手焉、十二月朝廷以資長為

越後守、命討義仲、明年二月除書到越後、資

長拜命、即發兵五千將赴信濃、途患中風卒、

長茂痛之、欲繼討義仲、以終兄志、六月○本

和元年六月三日條云、去二月二十五日、長

茂敗於筑摩河、按此文在六月條下、而二月

二十五日者、即資長卒之月日也、則疑此敘

資長事而脫其文也、然今不可考、更據本書

壽永二年三月條、及帝王編年記、玉海、吉

記、一代要記、歷代皇紀、皇帝紀鈔訂之、招

集越後出羽兵六萬、分為三隊、赴信濃、令濱

小平太等率兵一萬赴筑摩越、津張○津一作

宗親引兵一萬赴殖田越、長茂自將四萬進

到信濃、與義仲戰於橫田河原、軍大潰、長茂
 挺身奔歸越後、保國府、義仲踵至、國人多降
 之、長茂勢不能支、遂逃會津、長門本平家物語云、養和元年八月十三日、平資長賜宣旨討源義仲、九月三日、遠病卒、四郎永用初名資茂、繼
 和元年八月十三日、平資長賜宣旨討源義仲、
 仲、九月三日、遠病卒、四郎永用初名資茂、繼
 兄資元討義仲、壽永元年十月九日、敗於筑
 摩河、平家物語曰、養和元年二月、朔、以助長
 為越後守、討義仲、六月十六日、將赴信濃、即
 夜、遽病卒、又曰、壽永元年五月二十二日、以
 助茂為越後守、助茂辭、以兄助長死、此任不
 祥、不允、由是更名長茂、九月二日、戰敗於橫
 田河原、源平盛衰記曰、城大郎資職改名資
 永、二郎資茂改名永茂、養和元年六月二十
 五日、資永奉敕討義仲於橫田河原、戰敗走
 出羽、金澤、八月二十五日、朝廷以資永為越

後守、討義仲、九月三日、資永將就途、遽病卒、
 永茂告之於六波羅、以故九月二十六日、命
 平通盛等赴援之、諸書、八月、朝廷以長茂為
 異、同如此、附以備後考、
 越後守、亦命征義仲、玉海、吉記、百鍊鈔、長門本平家物語、○東鑑云、
 養和元年八月十三日、城四郎資長為越後
 守、按四郎者長茂而非資長、而諸書為長茂
 以、八月十五日、任越後守、則疑然、越後盡為
 東鑑誤、以長茂事為資長也、
 義仲所略有、長茂竟不能領國務、長門本平家物語
 及平氏殲滅、源賴朝索捕之、幽于梶原景時
 家、賴朝與僧定任善、長茂亦與之結、以故定
 任屢稱長茂、賴朝欲赦而用之、坐簾內召見、

僚佐班列左右、長茂毫無卑屈色、進升上坐、背賴朝而坐、賴朝終無一言、定任愧懼、景時叱之退、長茂昂然起出、文治五年、賴朝擊藤原泰衡、景時白賴朝曰、囚虜長茂、勇悍無雙、願將軍用之、賴朝許之、長茂自陳曰、既爲囚徒、不可復揭家旗、請別賜之、賴朝仍令用其家旗幟、長茂喜曰、我復揭此旗、故衆稍稍來集也、既而軍至新渡戶、賴朝令諸將上兵簿、長茂手下從士二百餘、賴朝怪其多、景時曰、

長茂初養兵數百人、及其敗、悉皆迸散、此地近彼鄉土、所以聞其從征而奔歸也、賴朝喜、賴朝薨、賴家立、長茂竊蓄異謀、建仁元年、帝觀法皇、小山朝政扈駕、長茂引兵入京師、攻圍朝政舍、家士拒卻之、長茂轉犯法皇宮、閉四門、迫請賜討賴家宣旨、不報、長茂知事不濟、逃匿吉野、鬻別爲僧、賴家索之甚急、遂捕誅之、長茂姪小太郎資盛、欲爲報仇、築壘於越後、鳥阪據之、賴家使佐佐木盛綱擊之、資

盛士卒殊死戰，矢下如雨，盛綱兵多死傷，資盛姑名阪額，雄桀多力善射，兼有兵略，束髮如童形，著腹卷，從櫓上射，發無不中，信濃人藤澤清親，遶城後，從山上狙射之，貫其兩股，阪額僵，因虜之，資盛兵敗奔竄，清親以阪額到鎌倉，賴家召見之，阪額進至簾前，容貌麤醜，無少屈色，淺利義遠請賴家為己妻，初繁茂生而忽不見，父維茂且悲且覓，四年不能得，一夕以夢得之於狐冢，攜歸于家，狐化老

翁來授刀及抽櫛于繁茂，世傳其刀及資盛

敗，遂失所在。

東鑑

遠藤盛遠父曰茂遠。

諸本平家物語○源平盛衰記作盛光遠藤系

圖為長元亨釋書持遠

為左近衛將監，老而無子，詣長

谷寺禱焉，其妻夢為羽入袖，感而有身，遂生盛遠，襁褓喪親，鞠于春木道善家，稍長，麤獷亡賴，日從鄉里羣兒搏格牛馬，蹴踐田畝，人患苦之，年十三，其族遠藤遠光為加首服，命名，軀幹壯大，趨悍精武藝，然有至性，以幼失

怙恃、每與人語、涕淚悲慕、源平盛衰記以父蔭為

上西門院北面、又為院武者所、年十八、誤殺

左衛門尉源渡妻袈裟、感愴懊恨、無所自容、

源平盛衰記、長門本平家物語削髮為僧、名文覺、勤修勇猛、

盛暑隆寒、露卧林薄、凝立飛泉、艱楚萬狀、屢

濱於死、名山大川、古祠淨刹、無處不至、草行

露宿、至斷飲食、居高雄山神護寺側、歎梵宇

頽毀、欲營繕以資父母冥福、遂作化疏、普募

士民、一日詣法住寺殿、奏請法皇方與羣臣

宴、笙歌鼎沸、無為通者、日旰不得報、文覺大

怒、以為左右排沮、徑入殿庭、大聲讀疏、宮中

驚擾、檢非違使平資行叱而逐之、文覺以疏

軸擊其首、突胸倒之、北面士噪而進者十許

人、文覺左手持疏、右手執懷中小刀、踊躍擬

之、法皇惶遽罷坐、參取平家物語、源平盛衰記兵衛尉橘

公朝謂文覺曰、有詔汝宜亟去、不去將執汝、

對曰、吾嘗謂蒙皇家資給、得成至願、宿志不

果、生亦何為、為法捨身、固我所甘、寧以頸血

汙殿庭決不能去願之濟否一在聖裁放聲

棘言慢罵法皇

源平盛衰記

安藤武者右宗進捕

之文覺刺右宗臂右宗持而不釋衛士羣聚

縛之遂下廷尉獄

源平盛衰記家物語

日放惡言呪

咀朝家遇赦而出意氣不少撓憤怨譏刺無

所顧憚事聞

源平盛衰記

朝廷救伊豆守源仲綱

執之流于伊豆過遠江天龍灘大風暴發舟

幾覆舟中人號哭文覺吟嘯自如高枕而卧

舟人固請禱禳文覺起而大呼曰此是文覺

所乘龍神何乃沮遏須臾風止舟人羅拜以

為神初文覺臨發自誓曰我志可遂是行不

死不然神奪我命不食三十一日言笑如常

既至伊豆居柰古屋寺

源平盛衰記參取平家物語

自稱

善相人遠近頗歸嚮前右兵衛佐源賴朝亦

謫在伊豆雅欲見之使安達盛長介文覺弟

子相照通意過而見焉文覺隔障而坐瞋目

不語久之卒然謂曰嗚呼吾子非故下野殿

子乎流落至此實可愍焉俄起禮接曰我嘗

大日本書紀卷一百一十一
五十一
七
周流四方、見所謂源氏者、皆不足濟大事、今幸見公心操平穩、具將帥器、因引漢高楚項之所以興亡以激勵之、他日又說曰、古昔源平同操天下兵權、而源氏中衰、平家得志、太平政入道乘勢投機、專擅威柄、罪惡貫盈、天命既去、如嫡子重盛才略邁人、不幸蚤薨、其餘碌碌無濟世器、我相人多矣、休咎之徵、若指諸掌、而相之極貴、莫若公者、公宜首唱義舉、復讎雪恥、古謂天與弗取、反受其咎、時至不

行、反受其殃、請速斷焉、賴朝心甚喜之、然慮彼狡譎、適為身累、唯唯遜謝、文覺悟其意、懷中出一枯髀、陽稱義朝首曰、我在獄日、盜而藏之、使我不遭流竄、公豈得覲先公哉、因潛然泣下、賴朝意頗疑焉、然聞其言、嗚咽歔歔、文覺從容謂賴朝曰、我嘗欲修葺神護寺、未果、公他日得志、庶幾有成、賴朝曰、身為羈囚、安敢及此、文覺曰、公誠能興大事、請院宣不難、我能為公辨之、乃急赴福原、就院近臣前

右兵衛督藤原光能請院宣還、謂賴朝曰、公欲得院宣、先置莊園于神護寺、賴朝曰、事若成、雖郡國唯師所欲、文覺取筆、令書丹波播磨土佐膏腴地十三所、永為寺田、而後出院宣示之、賴朝遂決意舉兵、源平盛衰記○諸本平家物語載院宣其文各異、豈有院宣一出而文不同者乎、考諸實錄、略無所見、蓋文覺銳意興復神護寺、欲藉賴朝、遂其本謀、故假託院宣以固其志、歟、或賴朝亦潛合謀、故使為之歟、英雄舉動、未易窺測、而其偽斷可知也、愚管鈔曰、世傳、光能偽稱法皇意、使文覺勸賴朝起兵、繆矣、文覺陰察時勢、託言法皇、據此、則當時已有此說、而作二書者、不究其實、以為信然、觀

者審及大將軍府建、怙寵市勢、頗弄威權、明

記遂修神護寺、窮極土木、又修東寺、賴朝禮

遇日隆、元亨釋書平氏既滅、北條時政至京師、索

平氏子孫、亡匿者、維盛子六代、被執、當斬、文

覺營救得免、源平盛衰記資性傲狠、至老不

悛、身在山林、謗訕朝政、時後鳥羽帝喜佚遊、

怠政事、皇兄守貞親王有時望、文覺竊欲謀

廢立、然以賴朝在、不敢發、正治元年、賴朝薨、

文覺陰圖不軌、事洩、流于佐渡、佐渡據帝王編年記百鍊

鈔○本書
作隱岐
文覺踴躍大罵曰我已老憊餘喘

無幾借如有罪何不放近境而棄逐遐陬我

死為厲必迎毬杖冠者于此帝幼好擊毬故

為是言平家物語○本書又曰承久之亂帝

語以徵文覺所言據帝王編年記百鍊鈔竟

不食而死時年八十東寺長者補任曰建仁

二年十一月二十五日救召還文覺而諸書

鈔等書不合故今不取○世有鎌倉書牒名

無度務使進忠良退奸邪剴切精當絕似文

覺口氣存之足為鑑戒然考諸書正治元年

正月賴朝薨賴家嗣職三月文覺流于佐渡

賴家雖無道不應居喪遊獵詞旨多有不合

蓋後人託名所

平知康任左衛門尉王海○東鑑兼檢非違

使以父朝親為壹岐守稱曰壹岐判官事後

白河法皇善搗鼓世呼曰鼓判官輕佻好諧

諛法皇寵昵之壽永二年源義仲入京師不

戢其下兵士日突入坊市縱行剽掠士民失

望怨讟沸騰法皇遣知康戒敕義仲受詔不

敬熟視知康曰世謂子鼓判官豈為人所搗

大日本書紀 卷一百六十一 列傳 九

乎、何故得此名、知康慙恚而歸、奏曰、不除此賊、京師不得安靜、宜急徵兵討之、法皇素惡義仲所為、深然之、倉卒定計、不復與廷臣議、乃命知康掌軍事、就法住寺殿修戰備、詔天台座主明雲、園城寺長吏圓慧、徵發兩寺僧兵、餘皆市井無賴之徒、應募而至者、二萬餘人、掛諸佛畫像於宮四垣、以為厭勝、見者知其必敗、知康踞牀抽矢、撚幹轉答曰、我一發穿賊頸矣、義仲兵薄宮門、知康左持鉞、右執

金剛鈴、登垣翔舞嬉笑、遙見義仲、大罵曰、古者讀宣旨、則枯木吐榮、飛鳥自墮、今雖叔世、天命未改、汝何為者、執弓矢抗至尊、義仲大嗤、麾兵而前、適北風猛烈、義仲兵乘風縱火、炎焰灼天、知康望見、大懼、踰垣而走、源平盛衰記、手猶持鈴、鏘鏘有聲、義仲兵呼曰、持鈴者首謀也、眾競赴之、知康狼狽棄鈴逃去、眾素不習戰、又失統帥、遂大奔潰、無一人當敵者、廷臣多為亂兵所辱、人皆咎知康狂妄

平家物語、參取

激變誤國敗事檢非違使橘公朝左衛門尉
藤原時成之鎌倉告難賴朝曰義仲有罪宜
令賴朝致討今輕信知康開此大釁震驚宮
闈大虧國體夫義仲奕世武將固非北面之
徒所能當也不敗何爲知康以兵端由已欲
見賴朝自陳之鎌倉賴朝惡其爲人久不得
見知康詣侍所附出入者請通謁莫有顧者
適賴朝隔簾窺之以鼓授子一萬曰是夫也
善擊鼓汝宜以此予彼使盡其技一萬如教

知康佞媚無恥欣然諾之坐立俯仰極盡醜
態及賴朝見之知康承間陳義仲始末賴朝
岸然不答知康愧而退不復歸京師遂留居

鎌倉

源平盛衰記

至賴家時稍得親昵專以巧佞

逢迎取悅賴家嘗饗母北條氏知康亦陪宴
席乘醉調北條時連曰五郎容儀進退超人
之遠而其名甚不稱時連之連者貫錢貨之
義乎何鄙猥也○連貫訓讀相通將追歌仙貫之蹤
采宜速改之北條氏不懌曰義仲之難職由

此虜一敗不懲又黨義經故先君惡之奏奪所帶官而今遺其瑕疵使之侍左右甚乖先君之意也及賴家見廢狎客皆得罪知康不得居鎌倉復還京師東鑑

大日本史卷之一百六十一終

大日本史卷之一百六十二

列傳第八十九

權中納言從三位源光圀 修

男權中納言從三位綱條 校

玄孫權中納言從三位治保重 校

藤原忠信

藤原宗行

源有雅

藤原光親

大日本史 卷一百六十二 列傳 十一

藤原範茂

藤原信能

藤原朝俊

三浦胤義

大江親廣

藤原秀康

山田重忠

清水賴高

八田知尚

佐佐木經高

佐佐木廣綱

鏡久綱

宮崎定範

仁科盛遠

河野通信

大内惟信

承久之難、天地之大變、王室隆替之所判也、夫以萬乘蒞匹夫、名正言順、勢如拉狐兔耳、

而北條義時藉兵馬之權、以振虎狼之威、三
院播遷、廢立由其頤指、開闢以來未有之禍
也、跡其所由、王綱不振、失土地甲兵之權、雖
非一朝一夕之故、而亦不可謂非後鳥羽上
皇不念端本澄源、輕佻用兵之所致也、矧當
是時、輔弼乏救時之才、將帥匪敵愾之器、所
與爲謀者、皆恇怯異懦之徒、宜其稔禍速亂
而一敗塗地也、然一二臣工、有能竭其力者、
有見危授命者、或去逆而效順、或徇私以濟

公雖所趨不同、而勤勞王事則一也、書曰、火
炎崐岡、玉石俱焚、遭時不競、橫罹鋒鏑、共職
無貳、分之攸宜、咸加撰錄爲之傳云、

藤原忠信、內大臣信清子也、忠信姑入高倉
帝宮、生後鳥羽帝、姊妹三人皆爲後鳥羽順
德宮人、尊卑忠信少躋臚仕、歷侍從左近衛

少將右近衛中將兼藏人頭、累遷爲權中納
言、兼左右衛門督、建保五年敘正二位、明年
任權大納言、公卿忠信妹適源實朝、實朝任

右大臣、設大饗、忠信為尊者、與諸卿俱至、鎌

倉、承久之役、將兵守淀、承久記○東鑑作守芋洗王師敗、

北條氏求廷臣預謀者、執送六波羅、尋送鎌

倉、千葉胤綱押至遠江舞澤、將殺之、實朝妻

哀訴政子、故特釋之、東鑑承久記歸京師、披鬚為

僧、亡幾義時流之、越後、公卿補任初後鳥羽上皇

令忠信子養族人親兼子信成、信成任參議、

尊卑分脈承久之役、首預謀議、家臣河勾家賢與

親族六十餘人據越後、願文山為佐、佐木信

實所敗、家賢者腰瀧口季方之後也、東鑑及上

皇崩于隱岐、信成悲悼、薙髮為僧、參取尊卑分脈、公卿

補任藤原宗行、左大辨、行隆子、累官至右大辨、藏

人頭、任參議、建保六年為權中納言、公卿補任承

久之難、以預謀畫執送六波羅、薙髮至遠江

菊河、題逆旅柱曰、昔南陽縣菊水、没下流而

延齡、今東海道菊河、宿西岸而失命、至駿河

藍津原見殺、東鑑承久記年四十八、公卿補任○東鑑為四十



七

源有雅參議雅賢子任右近衛中將兼藏人
 頭遷參議敘正三位兼右兵衛督檢非違使
 別當建曆二年為權中納言公卿補任承久之役
 與藤原範茂將兵守宇治官軍敗執送六波
 羅小笠原長清押至甲斐板垣將斬有雅以
 與政子有好乞宥請待報就死長清不聽斬
 之時年四十六年據東鑑公卿補任會報至宥之有雅
 已斬人皆憐之東鑑承久記

藤原光親權中納言光雅子累歷左右中辨
 兼藏人頭遷參議兼右兵衛督檢非違使別
 當建曆元年拜權中納言尋兼陸奥出羽按
 察使公卿補任光親才學優長尤蒙殊遇及上皇
 討北條氏力諫其不可書數十上上皇不納
 於是不得已作詔書聲義時罪狀東鑑及官軍
 敗執送六波羅武田信光押至駿河加古坂
 斬之東鑑承久記光親臨死請僧念佛從容就死
承久記時年四十六後泰時見其諫疏甚悔惜

之、東鑑承久記所著有心言記、仁和寺書、籍目錄

藤原範茂、木工頭、範季子、修明門院同產、年

十四、以父蔭補藏人、歷左近衛中將、藏人頭

任參議、公卿補任與源有雅將兵守宇治、王師敗、

執送六波羅、北條朝時押至足柄山、將斬之、

範茂謂守者曰、我聞五體不具者不能成佛、

請沒水終命、朝時許之、遂沈之水、東鑑承久記

藤原信能、權中納言、能保子、歷左近衛中將、

藏人頭、任參議、公卿補任將兵守芋洗渡、王師敗、

執送六波羅、遠山景朝押至美濃、遠山斬之、

東鑑承久記弟僧尊長、尊卑分脈與信能俱守芋洗、東鑑

軍敗逃匿十津川、承久記後被執自殺、尊卑分脈

藤原朝俊、為右衛門佐、官軍赴宇治、朝俊拜

辭、奏上皇曰、皇軍得利、臣裹創歸報、儻賊勢

猖獗、死以報國、承久記及軍敗、八田知尚佐佐

木氏綱等奉以為將、戰于河岸、皆殲、朝俊赴

賊戰死、參取東鑑承久記

三浦胤義、義澄之子、平氏系圖稱平九郎、為左衛

門尉授檢非違使承久記三浦系圖嘗番直京師代

期至而不歸是時上皇將討義時思得將帥

幹事者怪胤義久留京師命藤原秀康探其

情秀康夜潛招胤義置酒密問其意胤義曰

僕妻故右大將親臣一品坊昌寬女也昌寬本書

作意法坊生觀音訛今據東鑑尊卑分脈訂之初侍故左衛門督殿

生一男子為義時所殺妻冤痛之常曰不欲

舉面向義時僕亮其情實為可憫是以不肯

歸爾秀康察其可說微露上皇之意胤義奮

曰天子欲誅逆臣海內臣民誰敢違者且僕

兄義村膽氣過人許以事成之日授天下總

追捕使則踴躍奉命僕亦私遺書勸之秀康

入奏之上皇甚悅決策集兵命胤義遣使貽

書義村招之又欲召京師守護藤原光季大

江親廣胤義曰親廣召即應光季義時妻兄

也妻兄據東鑑必不來矣不如并召而誅不至者

上皇從之光季果不奉敕胤義與秀康帥兵


擊殺之上皇大悅將行賞胤義曰殲一小敵

何以賞為、請待賊平、上皇乃止、既而義村逐胤義之使、示義時以其書、及義時兵犯京師、官軍逆拒于尾張川、胤義與秀康將兵一萬守大豆渡、聞大井戶敗、欲赴援、秀康懼曰、東軍繞出吾後、腹背受敵、是危道也、我輩既奉廟算、如尾張川失利、則宜退守宇治勢多、違敕不可、遂引退、胤義孤軍不能進、亦引兵還、朝議重分遣將士、胤義又與秀康等赴食渡、宇治勢多官軍大敗、胤義等同潰而歸、欲奏

軍狀于上皇、宮門闔不得入、○東鑑曰、胤義等奏曰、東軍雲

集、道、路、梗、塞、臣、等、自、分、無、所、逃、死、而、不、載、杜、門、之、事、胤、義、憤、懣、將、赴、賊

而死、路出于東寺、與其族佐原氏兵遇、胤義故避而不擊、佐原景吉帥麾下來擊、胤義叱曰、汝何不存宗黨之好乎、乃命男太郎兵衛尉某、二郎兵衛尉胤連等擊之、景吉敗走、安房人安西金鞠兵來攻、胤義決死搏鬪、戰數合、胤連與高井時義交刺而死、胤義兵死亡略盡、獨與太郎兵衛尉走東山、胤義妻子在



太秦欲往見之至木島賊邀街路父子潛匿
 叢祠中欲俟昏而往故兵為僧者適踪跡而
 至告曰天野政景兵充塞前後恐不能脫祇
 取辱耳太郎兵衛尉聞之先自殺胤義謂僧
 曰子持我父子首去使妻見之而後送于駿
 河守告之曰親屬殄滅家兄獨存顧當快于
 心遂自殺僧如其言義村致首於泰時胤義
 子在東國者五人皆幼鞠于祖母矢部尼家
 義時以胤義首舉事命義村悉殺之矢部尼

匿豐王丸不出因得免餘子皆斬承久記

大江親廣大膳大夫廣元子也大江系圖任右近

衛將監民部少輔敘從五位下歷遠江守遷

武藏守承久元年源實朝薨追悼不已雉髮

東鑑法名蓮阿大江系圖與檢非違使藤原光季為

京畿守護東鑑上皇討義時託城南寺流鎬馬

先召親廣親廣不悟從五十餘騎而來上皇

親問曰汝為義時乎將為朝廷乎速決去就

親廣窮蹙對曰願盡力朝廷即於坐徵誓書

承久記 泰時等逼宇治勢多與藤原秀康下總

守中條盛綱拒之于食渡兵敗遁去東鑑承久記

藤原秀康大和守秀宗子也秀宗本姓平氏

稱和田外祖藤原秀忠養為子因冒其姓秀

康為左兵衛左衛門尉檢非違使任能登守

為西面尊卑分脈後鳥羽上皇將討義時使秀康

勸誘三浦胤義胤義從命上皇意遂決北條

泰時犯京師官軍邀之於尾張河河有九津

分為九軍拒東山東海二道秀康與胤義及

中條盛綱等赴大豆渡當海道賊賊破大井

戶胤義盛綱欲往救之秀康不聽棄軍歸京

師諸將忿激然以上皇親臣不能違其言相

率而遁官軍悉潰走泰時等兵逼近畿朝議

扼宇治勢多秀康又與胤義盛綱率萬餘騎

守食渡又敗承久記與弟秀澄逃匿河内尊卑分

脈云秀澄後發覺索捕東鑑秀康自殺秀康子

秀信姪秀範皆從軍戰死尊卑分脈

山田重忠鎮守府將軍源滿政後也世居美

濃、高祖重實仕鳥羽上皇、與弟重時及源光
 信等稱四天王、子重遠源義家女壻、為祖重
 宗養子、及重宗與義家戰敗死、徙尾張、子重
 直號山田先生、生重滿、重滿者重忠父也、號
 泉冠者、尊卑分脈養和元年從源行家與平重衡
 等戰於洲股河、別率兵七百、夜濟襲敵、不克
 而死、源平盛衰記參取重忠稱二郎、尊卑分脈勇
 武有材幹、待物寬恕、為時所稱、沙石集承久之
 役、重忠與藤原秀澄守洲股、東鑑承久記武田信

光等破大井戶、諸將望風崩潰、重忠獨慷慨
 曰、奉詔討賊、不發一矢而退、朝廷有問、何以
 對之、乃率九十餘騎留河岸、挽彊叢射、敵兵
 多被矢墜水、不能進、北條泰時麾兵督戰、大
 軍繼至、重忠兵敗、單騎退走、誤墜塹中、一騎
 追及之、血戰數合、會從兵來救得脫、至美濃
 小關、縛旗幟於樹梢、為疑兵而去、官軍守宇
 治、勢多重忠又率延曆寺僧兵二千餘騎赴
 勢多、撤橋力戰、北條時房歛軍而退、泰時犯

宇治王師敗績重忠不能獨支同諸將引兵而還上皇戒門者不納曰任汝所之重忠叩門大詬曰噫為懦主所誤馳入嵯峨山賊兵來逼子伊豆守重繼與僧伊豫坊禦之重忠乃自殺重繼中矢被禽承久記重繼子兼繼年十四流越後族重朝重村重慶等皆死木田重國小島重俊美濃人足助重成參河人亦皆重忠之族重國與子重知姪重季死於大豆渡重俊亦與弟重茂重繼重通通同死重成

亦死尊卑分脈重俊死據印本

清水賴高源賴光之裔也世居美濃父賴兼稱清水五郎賴高稱新藏人承久之役將兵守大井戶適族人栗野國光等在賊中賴高與戰軍敗死之尊卑分脈八田知尚左衛門尉知家子也尊卑分脈稱筑後六郎和田義盛之亂與足利義氏擊破之東鑑仕後鳥羽上皇任左衛門尉為西面承久之變上皇使知尚率兵守大井戶賜所親焯刀

勵之、軍敗、為武田信隆所追及、知尚返戰、抽

所賜刀、斷信隆馬首、脫歸京師、又出守宇治

橋、承久記與藤原朝俊共戰死、東鑑

佐佐木經高稱二郎、秀義子、及父為平氏所

逐、居相模波多野、源平盛衰記澀谷重國以女妻

之、愛視如子、長門本平家物語源賴朝擊平兼隆、經

高欲赴之、重國固止之、經高曰、決意赴義、何

顧私恩、舅如怒之、妻子之命委之君、他日使

佐殿得志、則經高妻子、誰能虜之、參取東鑑長門本平

家物語遂與兄定綱等俱至伊豆、從北條時政

攻兼隆、時政分遣經高等、擊兼隆黨堤信遠、

定綱等繞出宅後、經高徑進、至前庭發矢、時

人稱賴朝擊平氏之第一箭也、信遠揮刀而

出、經高接戰甚力、身中飛矢、定綱高綱來拔

其矢、遂斬信遠、及石橋軍敗、定綱等投重國

家、經高思前言不往、重國遣人訪問、大場景

親欲虜經高等妻子、重國以言折之得免、及


平氏滅、補中務丞、為淡路阿波土佐守護、衛

京師源賴家時、經高犯法、以其勲舊、釋而不問、正治二年、有人告大和賊謀犯京師、經高即徵發淡路阿波土佐三國兵、京師爲之騷然、後鳥羽上皇怒其蔑如、國司擅興兵驚擾輦下、下幕府按治、褫守護職、奪食邑、經高祝髮、更名經蓮、明年使子高重訴冤、幕府曰、去年七月、有人屢告大和賊謀犯京師、即集三國兵、遂捕得賊、圓識法師、朝廷用讒者言、反被譴責、經高不能自明、願申理此冤、賴家命

覆議、赦其罪、高重辭歸、北條時政大江廣元等將佐、贖馬、經高尋至、謝恩、以所寫法華經六部作祭文、獻賴朝影堂、語甚酸楚、敘褫官職、嚫施匱乏、賴朝妻北條氏聞而憐之、使賴家復經高食邑一所、經高自說勲勞、感慨激烈、聲淚俱下、和田義盛以下宿將、爲之流涕、北條泰時謂父義時曰、經蓮舊邑、莫非勲賞、已理其冤、宜全復之、累世勇士、使其於邑、後必有異圖、義時不聽、承久之役、經高果奉詔

畫軍事官軍敗績逃匿于鷲尾泰時遣使曰
勿死吾當請幕府全子命經高謂是勸自殺
之語引刀自屠未殊使者載歸六波羅泰時
愍惜之為言其實經高開眼疾呼不發一言
而絕子高重任左衛門少尉為檢非違使承
久之役與三浦胤義攻伊賀光季殺之又與
胤義等守勢多為北條時房所破留關寺拒
戰兵敗死之東鑑
佐佐木廣綱左衛門尉定綱子也坐弟定重

事流于隱岐會赦而歸東鑑木系圖定綱卒襲
為近江守護入衛京師任左衛門尉檢非違
使後鳥羽上皇選為西面東鑑建保六年上皇
幸日吉社有傷專當童者廣綱射殺犯人上
皇嘉之敘從五位下將軍源實朝聞之賞以
近江松伏別府二邑東鑑佐佐木系圖承久
三年任山城守佐佐木系圖北條義時之反與藤
原秀康中條盛綱等禦北條泰時于大豆渡
敗走東鑑泰時迫京師與源有雅守宇治又敗



就虜、斬于京師。東鑑、承久記、子惟綱為綱皆死。印本

尊卑分脈季子勢多伽年十四、美容姿、事道助法

親王、在仁和寺、及廣綱死、親王送勢多伽于

六波羅、遣使乞宥死、其母從行、哀訴、泰時憐

而赦之、叔父信綱適至、信綱雅與廣綱相惡、

固爭以為不可、泰時遂殺之。參取東鑑、承久記、

鏡久綱、佐佐木定重子。佐佐木系圖為右衛門尉、

隸藤原秀康、赴大豆渡、秀康聞大井戶敗、不

戰而遁、久綱書姓名於旗、與毛利季光戰、眾

寡不敵、歎曰、吾與懦怯秀康偕、不能展力、剪

遏命也、夫遂自殺。東鑑、卑分脈

宮崎定範。承久記、今從東鑑、親任左衛門尉、將官

軍守北陸道。東鑑、承久記、屯市降淨土、扼蒲原之

險、斫木塞路、列弩山上、以待賊、為北條朝時

所敗、再與仁科盛遠守礪波山、又敗走。承久記、

不知所終。

仁科盛遠。承久記、東鑑、仁科系圖、鎮守府將軍平

貞盛之裔、世居信濃。仁科系圖嘗以宿禱挈兒詣

熊野適上皇幸熊野路見兒清婉愛之命爲西面盛遠大悅從至京師侍衛北條義時怒曰彼既承關東之恩何得恣咫尺仙洞乎乃沒其邑上皇敕令還之又以倡龜菊訴敕義時義時竝不奉詔上皇久蓄憤關東至是討伐之議遂決承久記盛遠與宮崎定範糟谷有久守北陸道東鑑承久記盛遠軍礪波山有久軍志雄率加賀越中豪族林富樫野尻等與北條朝時戰兵敗承久記盛遠戰死仁科系圖

河野通信稱四郎姓越智伊豫人也父曰通信曾祖親經稱新大夫自其先世司本國國務爲著姓親經生親清爲本國權介親清無子禱三島神生通清河野系圖豫章記及長身長八尺形貌異常最善武技擅名一時保元平治之亂出兵助源爲義父子通信生通信壯勇有策略源賴朝之起伊豆通信與父遙應之數破平清盛兵又戰温泉郡見敗豫章記保高直城○直一作網敵復合備後人額西寂兵來圍

大日本史 卷一百六十二 五傳 十六

城兵有翻納敵者、通清遂敗死、通信出奔安

藝、請兵于舅沼田次郎、

○源平盛衰記、長門本平家物語、作奴田

郎、帥兵船三十餘隻赴備後、偽為捕魚、偵西

寂、西寂適載妓張宴、通信帥死、士百餘、逕進、

擒西寂而還、殺以祭父墓、

源平盛衰記、平家物語、參取豫章記、

壽永三年、平宗盛遣平通盛、平教經來攻、通

信拒之不利、又奔沼田氏、并兵固守、戰一日

夜、沼田氏力盡出降、通信以卒六人逃走、敵

兵追之、五人中矢而死、僅餘一人、與敵相搏

倒地、通信斬之、扶卒而去、抵備前、與緒方惟

能、臼杵維高等據今木城、平教經來攻、又敗

還伊豫、及平宗盛挾帝至屋島、遣使來招、通

信不應、宗盛又使田口成直來攻、通信敗走、

會賴朝遣弟範、賴義、經至、通信乃以兵往屬

之、從擊宗盛、

參取源平盛衰記、平家物語、

事平、乃還伊豫、

賴朝割伊豫國務為二、授道前于佐佐木盛

綱、道後于通信、

河野文書、

以其地距鎌倉遼

遠、歲至甚勞、命納其子若近親一人代侍、以

優異之、通信後往居鎌倉、從攻藤原泰衡于陸奥有功、賴朝與陸奥三迫、久米二邑遭梶原景時讒、奪道後務、及景時敗、旋見信用、初通信之、先守興、酷好潔、飲食常用陶器、子孫承效之、記豫章此役也、通信亦載陶器而行、世以為口實、及源賴家襲職、遣歸于伊豫、深嘉舊功、臨發、面許國中事、無巨細、便宜裁處、仍舊統門族、又以家人在其地者三十二名、隸通信、聽其指揮、東鑑豫章記源實朝又增與新居

西條、遂授以守護、後薙髮法名觀光、豫章記○本書

以薙髮為流、陸奥之時、今從東鑑、承久之記承久之役、通信率眾五

百餘人入勤王、東鑑豫章記云、通信數據承久之時、

政、女、承、婚、又、中、同、往、居、鎌、倉、妻、謂、之、曰、君、有、位、望、賴、結、我、家、爾、通、信、慚、恚、即、夜、出、奔、京、師、請、仕、王、室、時、後、鳥、羽、帝、有、討、義、時、志、得、通、信、大、喜、賜、宮、女、嫁、其、子、通、政、寵、待、頗、渥、諸、書、所、不、載、今、義、時、遣、兵、犯、京、師、通、信、與、子、通、政、屯、不、取、

廣瀨禦之、承久記、通政官軍敗績、義時流通


信於陸奥平泉、貞應二年、終於流所、年六十

八、豫章子通俊、通政、通末、通久、通廣、通康、通

記八、子通俊、通政、通末、通久、通廣、通康、通

政稱新大夫為院西面坐父事見殺通末稱
八郎亦坐父事流於信濃伴野河野系圖通久稱
九郎左衛門屬北條義時將兵攻官軍於宇
治以功食阿波富田邑豫章記河野系圖通久孫通
有驍勇有絕力任對馬守弘安中蒙古寇筑
前通有率兵往禦連戰數十合皆破之虜其
一將斬首獻闕下帝下詔褒之賜以采邑數
處○八幡愚童訓通有子通盛始名通治豫章
為六郎通宗事記稱九郎左衛門屬北條高時元弘之亂往

居六波羅赤松則村來攻通盛驍勇善戰光
嚴院賞其功任對馬守太平記後降足利尊氏
授伊豫守護其孫通堯襲為守護正平中為
細川賴之所攻出奔筑紫降征西將軍懷良
親王署以刑部大輔賜名曰通直與菊池武
光戮力拒敵遂破賴之復伊豫後又為賴之
所攻戰敗自殺足利義滿哀之以守護授其
子龜王名曰通義賴之又屢攻窘之義滿命
賴之解兵約為父子豫章記



大内惟信信濃人修理大夫惟義子也為帶
 刀長任左衛門尉為檢非違使分尊卑元久中
 北條義時殺惟信叔父朝雅于京師以惟信
 代補伊賀伊勢守護上皇討藤原光季惟信
 與諸將率官兵誅之北條泰時犯京師與糟
 谷久季等將二千餘騎守大井戶東鑑兵數
 武田信光絕流徑進鋒甚銳官軍不利惟信
 敗走東鑑承竄匿比叡山為僧更名成願寬
 喜二年發覺索捕處流明月記處流子惟時
據竹内系圖

從五位下木工助分尊卑子孫稱竹内竹内系
 傳

大日本史卷之一百六十二終

